

Diferente Car Club a tene nan parada tradicional riba dia di Himno y Bandera



ORANJESTAD- Diasabra ora nos di Bon Dia Deportivo tabata haci nos recordido, cubriendo eventonan deportivo full rond di Aruba, nos a topa cu diferente Car Club coriendo riba caminda y alaves celebrando nos Himno y Bandera teniendo nan tradicional parada. Na Arashi, nos tabatin e suerte

di a topa cu no menos cu tres di e paradanan aki. Prome nos a topa e grupo di Ford Mustang, pa despues na Light House bin topa cu e grupo di Toyota Starlet. Sacando potret di e e autonan e grupo di Classic Cars tambe a yega y naturalmente nos a probecha di saca algun shot di e autonan clasico,

por cierto hopi bunita mes. Na Black Hog Café, nos a topa cu e grupo di Volkswagen Kever como tambe e Buggy y riba e brug di Renaissance Hotel nos a topa esnan di Corvette Car Club. Ariba e combinacion di foto nos por mira e diferente marcanan di auto cu tabata moviendo rond riba nos isla Diasabra.

